



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 25. Langeius Auriam conciliandi animo a Lautreco ablegatus.

[urn:nbn:de:hbz:466:1-66472](#)

Sæcul. XVI. num captum abstraxerat, recepisset, nisi
 A.C. 1528. is a Galliarum Rege libertati fuisse re-
 stitutus.

§. XXV.

*Langeius Auriam conciliandi animo
 a Lautreco ablegatus.*

Sub idem tempus Guilielmus de Bel-
 lay seu Bellicus Langeii Toparcha
 Lautrecum, cuius castra sequebatur,
 edocebat, quod Auria graviter de Gal-
 lis quereretur, ac clandestina cum Ge-
 nuenibus soveret consilia, ut Patriam
 suam in pristinam libertatem affereret,
 hancque in rem peteret, ut ei damnum
 ob amissum Arausioñensis Principis ly-
 trum compensaretur, Genuensibus vero
 tributum ex Sale percipiendi jus redde-
 retur, quod illis Galli ideo ademerant, ut
 hoc jure Savonnenses augerent. Ac-
 cepto Nuncio Lautrecus nulla mora Lan-
 geium ablegat, dato negotio, ut Regi
 exponeret, quod rebus Gallicis in Ita-
 lia nil magis necessarium sit, quam ut
 Auria in Regis obsequio persisteret, nec
 ex Gallorum invidia ad indignationem
 concitaretur: cum vero Langeio optime
 perspectum esset, totum difficultatis car-
 dinem præcipue in eo versari, ut Au-
 riæ animus Gallicorum Ministrorum ma-
 levolentia exacerbatus mitigaretur, hinc
 nil

nil magis consultum censebat, quam ut Sæcul XVI.
Auriam placaret, priusquam Franciæ A.C. 1528.
aulam accederet. Igitur Genuam contendit, ubi ab Auria, cui amicitia junctus erat, adeo benigne excipiebatur, ut eum in alio quam ejus Palatio diversari haud permitteret. Ibidem Langeius integro morabatur triduo, tantaque dexteritate iratum Auriæ animum sedabat, ut is novum cum Francia fœdus inire promitteret. Porro Langeius Auriam non dimittebat, donec ad Regis arbitrium de fœderis conditionibus utrinque inter eos decretum fuisset. Post hæc Articulis utrinque firmatis Longeius equis cursoriis Lutetiam Parisiorum delatus Regis Senatui exposuit: quod ipse, priusquam Genua discederet, sua opera Auriæ animum ad Gallorum studia & commoda optime propensum reliquisset, res tamen summis periculis obnoxia foret, si nova ei molestia afferretur. Postea sermonem deflexit ad articulos, quos cum eo sanxisset, ea tamen lege, ut Rex Salis commercium Genuensibus restitueret, Auriæ vero circa captivorum lytra satisfaceret. Verum tanta erat apud Regem Montmorentii Marescalli auctoritas, ut ob privatos hujus Viri quæstus Langeii consiliis vix eluctandum impedimentum opponeret.

§. XXVI.